

亦
有
生
齋
集

亦有生齋集詩卷第二

武進 趙懷玉 億孫

古今體詩

重光作

虎邱雜詩

十年小別古長洲
蕩槳重來過虎邱
同是畫樓能得月
前番七夕此中秋

仰蘇懷杜緬遺型
勝地名流蹟屢經
畢竟仗他賢刺史
寓公

前後有居停
新建白香山祠並設少陵東坡像

鉛華不御韻天成
婪尾春光自有情
記向畫圖曾省識
憶孃

應許證三生

皓齒明眸冰雪肌乍涼天氣病支持流蘇斜委窗紗掩不見
傾城一笑時

碧玉盈盈未破瓜山塘東去是兒家只愁綠葉成陰易十斛
明珠何處賒

風流太守說方干林無數名花日飽看儘有詩人王百穀墨
不知誰是馬湘蘭

火樹銀花照水明笙歌徹夜鬪新聲東船西舫須臾散畱得
星橋兩道橫

萬籟無聲月影孤清幽境忽與常殊遊人總爲遊山到能識
真山面目無

史三

次星

六十初度畫戴笠小像索詩

憶君少壯時其志銳無匹交君四十載彈指如昨日同輩多
飛騰君忽堅不出君今杖於鄉康彊更逢吉示我戴笠圖老
氣猶橫溢天形亦笠耳六合適在室豈無乘車人彼僅有其
一何如君樂真閒吟長抱邨學佛兼學仙讀書亦讀律牆下
僅樹桑田閒可畀秫儒者貴治生是理吾深悉自從滯京華
荏苒歷災蝗二頃全屬人一階初改秩昨非今未是所得不
償失何年結比鄰請習計然術或偕遊江湖或共事著述

題吳漁山畫

墨井由來潑墨工偶然寫出雨冥濛南宮神理房山韻收拾
都歸尺幅中

寄曾都轉

煥

幾峩古洪州靈氣寶苞結江湖互襟帶人物起更迭就吾所
親見請試貢其說南昌胸有竹鑪錘工自設鉛山舌生蓮造
化祕幾泄我今拈瓣香重爲南豐藝君政扇春風君心盟素
雪君學淵渟泐君詞波曲折持節久淮揚載道盡愉悅文章
本餘事已足俯一切

東南名士藪大力隻手提幫屐所輻輳往往在竹西二疋百
有八一歸品題題襟築高館直令翹材低詩成紙先貴客
至糧不齋飢恆推以食寒或加之綈驥足儘容攀龍門信懸
梯歐陽本邦人汲引名與齊古今豈相遠儒者兼居稽

同譜二十年蹤蹟每相差去聲憶昔歲闕逢識君錫山座

歲甲辰陪

君於稿文

本師處方君翔禁近我久田間臥泊我再入都適君理鹽

課薰絃歌阜財

帝用簡爲佐民瞻福星照土仰大鈞播所嫌奚生嬾未作寸
箋賀昨歸江干泊重枉高軒過往來失交臂相思積無那會
當拜東野一遣離愁破

良覲緣雖堅好句誦已久音和追四始篋富逾千首關心在
軍國頗以稷契負偶綴駢儷成卽驚徐庾走慚子弄鉛槧入
室迷戶牖今者親簿書結習依然狂才逢大匠誨敢惜寸莛
扣掉鞅看登壇執鞭願隨後

畿輔忽淫潦河決成災屯屢

詔勤撫綏

聖人重憂民吾儕無遠慮八口羈京塵長安居旣難況值珠

桂辰歸省亦草草長跪辭衰親隔越十暑寒侍纔幾昏晨南
北兩縈系獨行東海濱羨君奉板輿逢吉康其身頗聞紆組
綬曾不忘鱸葦又聞愛吳下特寫江南春君有青支山下卜居圖余亦
思卜居何時許結鄰

將遊京口城南諸寺爲雨所阻

屢夢南山路初停江上橈如何屐一輛又阻雨中宵事每逢
天忌遊須仗福消風塵非久計猿鶴待相招

贈同年馮教授錫宸

十年輕一別兩月忽重逢絡繹繹新詠蒼茫指去蹤將遊南山不果
詩人例多病散吏性仍慵有約吟招隱同棲江上峯

次韻酬王太守文治贈行之作時太守病初起

年華過眼等湔流風雨重經古潤州毛義爲親聊捧檄維摩
示疾正逢秋每來飽看東籬菊戊申秋訪君時菊亦正盛何日同登北固
樓曲罷酒闌催夜發嚴城燈火幾回頭

登高早寺塔

茱萸灣口泊輕舸獨上浮圖意自豪過得重陽剛一九恰宜
此日補登高

秋氣蕭蕭木葉紛江南江北望中分只愁雨後模糊景不辨
遙飛親舍雲

放生池訪練塘上人

練塘名達瑛能詩

爲愛招提僻沿緣冒雨尋屐衝泥滑滑徑指竹深深偶息勞
人影因參靜者心一編禪月集珍重幾回吟

別舍弟 珠玉

半月扁舟送如何又說歸誤人
羈簿領仗汝侍庭闈秋老柳
難折江空雁各飛此行無久戀
待整釣魚磯

繆兵部 炳素 爲予寫真賦此志謝

自信虞翻骨相屯鬚頻添雪鬢添銀多
君寫遍雲臺像貌到風塵素路人

高郵道中喜晤吳祭酒 錫麒 時祭酒以乞養歸里

扁舟邂逅慰離羣
社湖邊正夕曛
便把萊衣當初服
卻收霖雨作歸雲
身辭宦海仍耽酒 君初止飲近量復勝
心有名山好定文

我逐風塵拋子舍
平生事事不如君

過淮傷管漕帥 幹珍

一管平生契

謂侍御
世銘

君曾此建牙，心真能許。

國計惜後還家記，訂初成集難尋。舊種海棠陰重，過處傷逝
一長嗟。

酌酒

酌酒淮陰夜客，心愁未央。城低翻恃岸，月白欲欺霜。報尙于
金負親，宜一日忘願。因東下水流，夢到江鄉。

不寐

不寐待明發，驅車戒早行。月遲初上影，冰薄略聞聲。入世虛
全策，思親勉令名。計程山左近，明日是鄴城。

和棟鄂漕帥

鐵保

天津道中寫懷四首

舞盡商羊北海頭，遂教畿輔徧洪流。通衢忽起千層浪，高樹

爭牽萬斛舟災甚富民皆瘠戶涼多盛暑作去聲深秋知公櫛

沐承

宵旰德意行如速置郵

禹疏遺蹟猶堪迺要地曾推析木津撫字心勞付臺吏宣防

責重恃河臣幾疑轉粟來天上太息耕田問水濱讀到十行

哀痛

詔一時下淚感塗人

楊柳難青草易秋直沽大小望中收已嘗辛苦偏揆疾飽歷

驚危且泛舟遣興何將吟嘯廢觀空早悟地天浮蓬窗坐對

常多暇經濟還為借箸籌

輸挽連櫓計廣儲先畱正賦補荒餘八志戰家同披纊

帝起瘡痍似吮疽成竹在胸堪報

國巽桐有尾每憐余要知利涉憑忠信風送歸艘任疾徐

琅邪

琅邪古名都傳聞產諸葛地屬魏山河其人不能奪
琅邪徙南陽襄陽乃尺咫伏龍與鳳雛相去二十里

蒙陰遇雨

晴久雨亦得彌望皆空濛沙鳴泉澌澌山出雲蓬蓬畫入大
小米樹有東南風驅馬塵不生披裘意自融借問軒冕客何
似簔笠翁簔笠煙水外軒冕泥塗中

羊叔子祠

下馬羊流驛來瞻太傅祠不貪天子氣要繫後人思世德松

楸保儒風裘帶宜所嫌災片石過客漫題詩

祠中題刻
多惡札

爲蔣贊府

因培

題蘿莊

就荒三徑欲歸難卜築聊營十笏安但得板輿行樂地汶陽
便抵尙湖看

小有狂名大有才如君真不負丞哉那知一別春明後都逐
風塵向此來

升斗空言祿揀貧折腰應各爲衰親何當茅屋歸重補莫遣
煙蘿終笑人

潭西精舍

舊說潭西好今真愜勝情映階多竹色繞屋是泉聲僧正逢
行脚人誰解濯纓故交方萬里

精舍創於桂大捫薛讀題名
令積時官滇中

題吳二階花下勸酒圖

蛟門三好久流傳君不陳書更灑然杯可銷愁鄉可老誤人
辛苦是殘編

遲時亦有尋芳興自笑年來病未能輸與英雄消遣法信陵
後又屬延陵

酌突泉歌

河源天上來沆源地中行綿延起伏幾千里乃至歷下西南
城忽然迸三穴同作鏗錫聲迅如輪從空際轉喧若雷向晴
天鳴噴疑窖雪任飛灑皎奪潭月生光晶得非蟄龍出或者
潛蛟爭詩歌感沸傳稱涌目驗始信靈奇呈方冬潦盡百川
涸此獨終古科常盈我來坐久不忍去毛髮俱冷心神清濟

南之泉七十二已歎觀止餘平平湍乎湍乎每以激而著無
怪古來烈士因激成其名

珍珠泉

趵突奇在怒珍珠妙於靜方塘鑑常啓圓折靈潛孕十斛源
源來百琲徐徐迸中疑蚌胎匿誰索鮫客贈海月夜妒明晶
盤曉愛定細沫愜澄觀微跳耐清聽所嫌傍節樓閉置在幽
篔簹如絕世姿空谷長待聘幸我緣未慳名泉迭探勝曾探
驪龍領不復羨照乘

十一月廿八日大雪自濟南發至王舍莊宿

我來歷城下忽忽已經月趨塵效迎送束帶事請謁平生好
疎嬾老轉疲筋骨昨幸辭上官驅車傍晚發乃逢雪交加直

使路沈沒朗如行玉山險若墮月窟林巒迷遠近僕從苦顛
蹶冥行至三更始投邨店歇濁醪勝醜微火燒楮袖白憐
勞人命終歲常卒卒富貴旣渺茫心精徒耗竭攬枕不成寐
窗明映華髮

長山道中

林端餘雪散繽紛萬頃茫然路不分朔氣有稜欺瘦骨晨曦
無力透重雲已占螟螣銷餘孽但祝鯨鯢息遠氛一片荒山
茅店少邨醪何處覓微醺

大雪徧野彌望無際有斷石林立雪中如葉葉布帆吹之
欲動雖工於畫者不能寫也

雪餘極目儼江湖斷石森如十幅蒲借問稽山與湘水張帆

得似此間無

歲暮雜詩

跋涉更三序窮冬始下車官真如嚼蠟食欲歎無魚

青州無蝦魚亦

有好嬾難辭客投閒有廢書翻思都下樂文讌幾曾虛

解舍同蕭寺牆傾逕亦荒略教營土木先遣列縑緗安審人

容膝貧疑病在膏此間聊避債卒歲好徜徉

南榮欣對日快雪得時晴雀慣穿窗入雞常隔院鳴撥爐知

氣暖掃地覺心清但恨宵來拆還鄉夢不成

弱弟書遙寄物將家事論親猶能健飯姪可替持門舊種梅

應放新篳酒正溫輸它草堂裏戲綵奉晨昏

居已非容易災荒那可支葛裘聞典盡風雪訝來遲兒魯偏

情讀妻孥每卻醫關山頰北望千里費相思

春明春最好別後尙依依得地原殊俗知音況未稀身今成
鷁退蹟已阻雄飛前事師京兆明年待拂衣

元默聞茂

歲朝迎春卽事

迎春海宴門東去夾道欣看童叟多雪剝隔年占歲稔晴開
上日驗時和羞將綵勝隨人戴且聽青陽循例歌慚愧條風
厚秋士殷勤吹向鬢絲皤

新年遣興

蹋鞠投瓊百不能過從又復少親朋捲簾但有山光到近市
曾無海錯登日永漸添攤飯夢心閒直傲出家僧新官況味

新年景寄語鄉園亦足矜

雪後遊佳山堂

名園傳故相雪後一停車柏盡千尋上山多九仞餘已無人

載酒倘有室藏書

易齋相國藏書極多今皆散佚

坐久東風急春寒欲襲裾

燕九日同唐

象三徐昭要蘭若

三大令張廣文

賓雁

王贊

府會園遊法慶寺

我從臘月來青州卒卒未暇成清遊新年政簡風日好燕九

況侈長春邱同人於郊出聯轡招提先作斯須畱蒼官青士

夾左右小徑往往能通幽一株絳雪尤罕絕

寺有紅梅

結蕊累累

紛枝頭嵯峩傑閣賈勇上山色遠向西南收旃檀萬匝貯貝

葉雖入佛海愁無舟張君好古嗜貞石斷碣助我窮研搜祇

嫌僧俗玷名利不解文字忘薰修十笏室供一餉坐半日閒
向浮生偷去年曾記白雲觀車馬雜迷都人稠那知舊侶忽
星散眼前盡換新朋儔風塵蹤蹟苦難定作宦直似蓬漂流
人生適意便爲貴今我不樂將何求

范公井亭

危亭四角樹蔥蘢爲訪名泉拜范公聖自有清曾獨契

公有手書

伯夷并能爲養本無窮富歐異代祠常竝憂樂何人志與同
好把良醫補遺憾一泓又奪上池功

居人潦疾多以井泉合藥

馬驛門

登高及上春燕九作重九言尋馬驛門相與陟岡阜古廟斷
香火崇軒闕窗牖天風颯颯來山勢蜿蜿走頗欣瞻眺暢復

慨陵谷久寄奴一世雄長駕恣擊拊想當設官時大費築城
手南燕已難問東陽亦何有落日催歸人蒼茫重回首

王文簡公墓

今代論風雅如君是一宗才人皆拂拭詩格獨春容曠典名
終易孤墳碣尙崇東鄰秋谷近底事著譚龍

爲邱太守

德生

題其寫人寒香課子圖

莫謂桃李豔不如梅耐寒莫羨黃金積不如經可傳衰門薄
祚須勤讀見有課兮翁自督蟾光欲沒參影橫猶見殘燈耿
書屋居然盛事齊郊祁嘖嘖人道科名稀那知翁已不及見
桂枝雖好梅枝非無端雙鸚成孤雁孝友心傷淚如霰春令
頌與蓼莪詩併入丹青寫生面君今中外兼敷歷入踐清班

出循績人生唯有不朽難不朽方能酬罔極生綃尺幅什襲
藏展卷拂拂飄寒香沉吟我亦思先德曾撫西湖舊種棠先

書先都轉
皆官浙中

題莊贊府松陰據劔行看子

翰曾香晚節松亦悅本性入官寫蒼官想見意先定男兒窮
達任所遭不能抱劔須折腰日哦松下卽千古丞哉亦足以
自豪相期長保歲寒質終有知者貴後彫才高每爲造物忌
憂病憂貧有成例南華本是君家書好守養生第一義

鐵公祠

燕師破竹勢紛紛賴有尙書策戰勲鐵板真同副車擊金陵
終使故宮焚全家骨肉悲投竄千載湖山薦苾芬我欲更添

新俎豆廟堂配食宋參軍

同年劉學使

鳳詒

招泛大明湖歸飲四照樓卽事

明湖數十頃占斷城之西使者建節樓恰俯明湖隄方春念
舊雨折柬相招攜酒盛赤琥珀漿劃青頗黎遊還屏儼從靜
不驚鳧鷖雨餘杏舒萼風過楊生梯祠畱蓋臣蹟亭感詩人
題鵲華列如嶂咫尺愁難躋迴船興已適開閣朋仍齊品食
集珍錯藏釀傾罌輒禮數容脫略談諧雜滑稽公飲如吸川
公才若剝犀幸在廣廈芘不覺卑枝棲主稱夜未央客判醉
如泥起立視樓角星澹明蟾低披衣急告歸喔喔荒雞啼

將至登州道中作

北望滄溟眼界寬藍輿終日慙噴吒憑君莫道山行險仕路

如今一樣難

題顧孝廉純赤壁從遊圖

何人不作赤壁遊，獨有二賦傳。千秋七月十月歲，兩至好景能以奇文收。初縱一鞏凌萬頃，後踞虎豹登龍虬。至今想像猶在目，玉局本是神仙儔。東吳顧生有蘇僻，瓣香敬爇神通幽。丹青尺幅志嚮往，如其陟嶺同乘舟。江山風月取無盡，悟者何地非黃州。我權守登卽公治，到官五日尤相侔。詩碑半蝕祠宇圯，再拜公像思前修。蓬萊高閣巋然峙，望古不見心悠悠。何當遣畫觀海市，與君此卷爭傳流。

丁大令履端扶乩得詩寄書索和

補鳴已是失晨雞，偶逐閒雲傍海飛。何日共辭塵十丈，馬肥

終不及鷗肥

蘇公祠

下馬瞻遺像遐哉有所思一官同似客五日獨畱祠泯沒松

雲蹟模伽海市詩低徊發深喟椽棟孰支持祠中梁木已折

避風亭

坐聽濤聲湧虛亭獨避風因知造物巧能敵大王雄小艇遙

來集纖塵不敢蒙故應畱片石長使鏡光融亭有鏡石可鑑人影

避風亭坐月

城中日猶高海畔月先上肩輿出北門團團遙在望虛亭不

受風得月未肯讓有客集遙夜行厨傾宿釀坐待碧天暝獨

見瑤輪漾灑眠恐難穩鮫泣徒自悵空濛涵六合光怪出萬

狀矍矍小如葉杳杳破煙浪鷗鳥白於霜茫茫迷色相想非
人間世身入光明藏時方春融和氣忽秋沆礪不暗溟渤寬
安識寰宇曠蓬壺去人近欲往苦塵障舉杯對清影浩歌聊
一放

蓬萊閣觀日出歌

殘月西下天雞鳴餘霞盡捲海氣清此時旭景升東瀛咸池
浴後搏桑行欲出未出光先生丹轂微露臙脂明其體初類
瓶與罌上口半缺物可盛又若華蓋人孤擎盤有仙掌承金
莖或鼎一足相枝撐忽然斷續徐合并漸高形漸圓圍成天
吳伏避蝸像驚觀者舌橋兩目瞠道人甲子四百更云未暗
此靈怪呈自憐浪蹟爲世輕天獨厚我何其榮笑凭高閣風

來迎安得破浪乘長鯨杯中看瀉水一泓敲日使作玻璃聲
泛舟渡海至彈子渦作

丹崖一千丈峭壁何年削浪戰石成珠雲深洞白嶺遵隄覓
荒怪觀海歎於廓是日氣融朗瀛波恬不作欣紙一葦駕
言浮大壑豈知地迴軸但見天垂幕身世已兩忘心神了無
愕隨風向孤嶼舟近得小泊陟岡衣更振履險腳難著仰捫
星辰懸悅拾螺蜃錯須臾午湖上水石互噴薄鏗錡聲非常
碣礧勢都弱危同雞卵累動訝鬼手攪久坐待日斜歸舫趁
潮落誰歟職宏納曾不爽囊籥安期倘能覲願采不死藥仙
機在方寸妙道阻乘躋緩去而疾還倏抵迷萊閣

登州雜詩

麴糵那紱媿非才
鴻雪浮蹤費往回
只博傲人元相句
謫居猶得住蓬萊

晚春天氣釀深秋
近海寒暄自不侔
一夜風聲聽到曉
開箱重理舊征裘

訟庭寂寂蔭雙槐
細雨濛濛濕綠苔
爛似朝霞明似雪
杏花開過李花開

國色天香望竟賒
郡齋有牡丹未放
白櫻桃卻冠羣葩
自慚不及河陽令
但看前人已種花

瓣香獨藝拜文忠
五日之官境略同
太息無人支一木
自輸清俸勸鳩工
蘇公祠梁木已折當事無過而問者余捐俸倡修

峭絕丹崖早暮登
月輪看上日看升
雙丸只是尋常物
別有

奇觀得未曾

仄徑崎嶇不厭攀
仙人洞口白雲閒
問它前後乘軒客
曾否攜筇到此間

破潮舴艋疾於梭
泛海遙尋彈子渦
檢得勻圓幾升石
歸裝笑比鬱林多

五百英靈何處依
田橫遺寨是耶非
漢高縱解牢籠術
難禁人心死後歸

東來久有無魚歎
近喜銀鱗入饌腴
我若登州乞居家
雞頓頓收中厨

登有魚名家雞味
類鮑俗號嘉卯

木居士亦偶然
題求福人來首便低
解道白衣蒼狗幻
隨風雲影任東西

道東使院近日署中忽三句桑下浮屠亦夙因漫恨不曾觀

海市喜它政簡與民淳

張公子謝以詩見贈次韻答之

籍甚詞場三影名喜從邂逅慰平生摩燕會展翩翩翼在凌

應煩子子旌風骨塵中誰與偶文章海內已相驚醉翁吳祭酒

弟子容齋洪太客一輩才人盡締盟

銳走雷霆秀吸霞何容營剌比絲麻畫眉樂羨張馮翊下榻

賢推鄧仲華時容鄧太盡醉且傾今日酒未歸空負故園花

洋洋新句真盈耳一洗人間箏與瑟

萊州

清絕萊州路驅車費往還卻金風自古如薤草猶斑意感留

賓厚

觀察太守皆爾飲

緣憐濟勝慳勞人空草草無分到勞山

庫雅拉統軍

陽春

招飲次韻

牙門槐柳映麾旌特啟賓筵愜勝情不惜深杯傾永夜早看

涼月挂高城古人氣誼交初遂異域風光說亦驚

席中談回部事甚悉

慚媿將軍容揖客肯從章句採浮名

博爾濟吉特撫部

和益

觀麥東郊還泛大明湖集小滄浪

用東坡遷魚韻見示奉和一首

麥浪層層齊覆塊野農都無汗霑背平疇是處引碧幢薰風

自來吹綬帶行厨更載向明湖蒲筍作羹魚斫膾迴船不驚

鳧鴨散蕩樂徐看荇藻碎幾番雨過濕浮嵐百頃波平息鳴

瀨大文意象超物表靜者襟懷寄塵外少陵昔詠歷下亭此

日滄浪續高會年豐人樂卽蓬壺法藏漫誇歡喜海

博爾濟吉特撫部以濟南學宮磬音未調致書廬鳳觀察
得靈壁石磬二十四具用備雅樂作詩志盛卽次元韻
子雲草太元言律生於辰欲求八音諧條理維聲振迥宋靈
璧鎮寶古泗水濱厥石產最良浮磬貢所珍我公虔廷夔審
樂能覈真聽非在鏗鏘曲使歸廉均遠致二千里數得四六
陳夏拊辨清濁堵肆增煇璘公至百廢舉適遇宮牆新時修
府移之置虞業聞者歎翁純爲鍾倡臆氏作鼓先鞅人縣位
自此備崇聖兼禋神飾治貴經術格物資儒臣試采衢間謠
更有擊壤民

兗州道中

天如憫行役塵暑特齊剛細灑連朝雨青排一路山人言爲
郡樂我畏稱名藉鄒魯風猶古之官覺汗顏

與舒位王墨孫原湘席元侃諸孝廉登少陵臺歸集寓齋

作

文書日遮眼人事苦雜投館舍僅容膝當暑尤隘湫旣幸展
良觀因之遂勝遊峩峩少陵臺實唯古南樓塔影近如接嶽
雲遠尙浮全城入憑眺殘碣俱研搜歸來興未已更作永夕
留盤餐媿粗糲卮酒喜酢酬自我來沈郡形役心未休聊藉
得閒樂庶幾銷煩憂願言寫丹青并以紀詠謳

南樓今南城樓

舊蹟銷沉盡登臨剩此樓題詩誰不朽弔古我重遊齊魯遙

同眺鄉關近更愁趨庭猶未遂薄宦漫羈留

沈大令

則文

重遊泮宮詩

先生今年七十四綠髮方曠氣猶銳人言松柏獨得天我道
神仙竟行地未冠卽作泮水遊當時爭羨終賈儔那知流光
等石火屈指忽已甲子週平生宦蹟殊堪數手種甘棠半齊
魯宣防績好著河渠撫字心勞修治譜一朝荷戈萬里行歸
來富貴脫屣輕對酒當歌尙無恙春花秋月倍多情有兒祿
養承甘旨何必優遊在田里我來恰喜頻過從拂塵每聽談
娓娓人間富貴皆浮雲五福莫如壽最尊君歸重向黉宮過
同學少年幾輩存

答周秀才

動思

寒帷偶向泗河墮邂逅逢君聽述先飲到醇醪真有味聚來
浮沫豈無緣退風我已甘如鷓橫海人方羨作鱸佇待談經
懋岑寂足音應不廢跼然

黃泥溝

江湖忽滿地雨後行潦蓄今來黃泥溝人馬俱沒腹輿夫七
八扶我輿屏氣惕息行赳赳公無渡河公竟渡忠信何選非
亨衢回顧輿夫顏汗泚或逸或勞乃如此平人之政行辟人
自問當官可能爾旣晴固好雨亦佳黍稷預卜盈篝車眼前
更有快心事蝻子入地爲魚鯁

宿孟博士

傳禮宅

今宵博士宅風月喜雙清荇藻一庭影波濤四面聲

庭中松竹極茂

暫欣塵慮遣早悟世緣輕忽憶三遷訓浮湛負此生

亞聖廟

道豈苟能亞功應禹竝垂首攻王曰利但學聖之時灑掃資

賢胄修崇媿有司時方議葺取字停車思弱冠卅載倏星移乾隆乙酉初謁

廟於

飛蝗行和博爾濟吉特撫部

蝗生傅之翼有若羣不逞稽諸五行傳於蜾為黑膏集每向
沮洳飛還入遼迴畏霑露瀼瀼喜撲火耿耿一朝自東北執
欲肆吞併頗為官民憂疑作畎畝梗未飽乃忽颺弗驅何所
騁或言德弭災聞者各首肯日來甘澤溥登場徧苞穎兒童
爭棄屣鄉間多以做屣為捕蝗之具亞旅不置挺公誠格坊庸民氣恬廬

井大法斯小廉深汲賴修綆得非化魚鰕且已充庖鼎始知
潛移功詎藉苛政猛曾積公沙隄亦逝夷吾境昔賢彼何人
中夜發深省願公弗爲瑞始喜而終警庶幾卜屢豐頌聲孚
海嶺

闕里拜夫子廟堂遂謁孔林敬述

少日讀世家低回緬太史及長屨經沈欲遊阻尺咫茲來結
郡符適屆上丁祀齋宿而後選曲阜瞬在邇初仰宮牆高旋
見宗廟美聲容嫺禮樂陳設備俎簋壇杏久無存植檜亦頻
毀訪古皆周道讀碑從漢始循覽旣已竟興言詣孔里步出
城北門林墓生聳企異樹千章多靈著八稜起背泗面則洙
前孫左迺子廬因端木著亭以眞宗紀至今尙族葬法良尤

少皞陵

螺祖生民始金天立號隆建官曾紀鳥感瑞本流虹緒纘軒
臺遠都移曲阜崇德能基五帝封實啓元公此地還畱冢當
年孰抱弓樹看撐突兀有指生陵中甚奇石訝壘穹窿

宸藻題常煥周垣創有功集猶疑赤燕守尚屬元熊草但三

時茂碑徒百尺宋徽宗造巨碑值金亂不果立神靈畱石室謬妄削璇宮

眾說家為異明禋

國自恭雲陽竟何處躑躅魯城東

周公廟

王賸周為盛侯封魯可稱德純追不顯烈大佐丕承仁孝殊
羣子勩勞駕五丞從征持寶鉞禱疾納金滕俟命身方質流

言國已興斧斨心獨苦日月食非恆偶過民皆見多材自可
矜艱難念無逸反復戒其朋與召分雌鵠偕齊作股肱負依
成創典同穎應休徵禮樂褒崇異詩書著述宏文曾致歸馬
威不讓揚鷹報政三年緩移風一變能葬終還鎬畢治遠軼
邾滕顯爵加圭袞明禋備酌烝但教初葉配殿廷唯伯禽配享誰向
古臺登魯太廟在今城東北里許卽周公臺是也
宸翰常輝朗公靈寶式憑尼山傳統緒東野行雲仍有像猶
緘口何人不服膺我來懷吐握別覺感難勝

陋巷

陋巷今無恙崇坊兩字標地猶依學校樂可想簞瓢負郭遺
田杳移家世澤遙欲知同禹稷此意竟寥寥

野眺

黯黯秋山暮色昏
西風吹雨送雙輪
荒原入望忽如雪
蕎麥花開又一邨

雨宿張夏有感

停輿夜宿萬山前
聽雨燒燈耿不眠
閱世風波身早倦
爲人官職計堪憐
鼠牙積習防畱獄
蝻孽封章幸達

天

大府已將蝗早入奏

莫惜衝泥待明發
麥秋猶望補來年

浮雲

浮雲無定所旋起亦旋收
忌器偏投鼠蹊田竟奪牛
但知因火熱誰作徒薪謀
浩蕩江湖外忘機有白鷗

物論

物論憑成敗平心理自彰
奚康終病傲戴聖忽疑賊
有玷瑜難掩無塵鏡自光
如聞巖桐響切切感中郎

啓聖林

明德由來有達人明昌墓碣尙嶙峋
扶門力已推如虎繫紱祥先兆在麟
鼎讀銘辭原有穀循尋殞處可知貧
顯揚立極如尼父也是當年孤露身

過泗水郭大令

綬光

招同年鄒縣令任

助

同遊泉林得十

六韻

維泗發有源寶與洙爲儔
牽合陪尾山何異風馬牛
吾聞泉林泉下濟萬斛舟
當年

離宮建

翠葆巡行周我來值新霽日出景轉幽主人眷夙約邀客成
良遊樹皆百歲古竹亦千竿修因之徧臨眺不惜窮研搜靜
或噴珠璣怒則奔龍虬飛如急雪下散若輕雲浮偶然琴筑
奏遠過箏琶稠虛堂一以聽塵慮喜頓收相傳在川上聖蹟
於焉畱逝者尙如斯不知幾春秋我憐聞道晚空恃濟勝優
何當濯塵纓歸卜故水邱

附和韻

郭綬光

我公西垣望循吏罕與儔琴鶴乃家風莅政無全牛永
嘉謝公展赤壁蘇子舟作郡古風流登覽畱題周泉林
舊招提竹木饒清幽皇皇

駐蹕地省方重

宸遊邇來望

幸切輦路久不修蓬山隔塵世未許逐研搜偶隨使者

節古木攀龍蚪

泉林行宮門鑰為陸使收貯每歲唯巡漕使者至始一開門

只今陪

五馬逸興連雲浮水清錦石爛雨霽綠蔭稠溪聲喧逾

靜嵐氣淡欲收悠然在川上言歸復遲留澄心觀萬化

閒情寄三秋境寂覺塵遠官暇知政優讀公紀遊篇鴻

文照巖邱

九月八日登少陵臺

驚心節物近題糕振策凌風興自豪未必百年常得暇且先
九日試登高杜陵詩好空殘碣魯國城荒半野蒿已倦輪蹄
疲案牘聊憑縱眺一償勞

東魯書院之南爲少陵祠門常洞開客至堂中則與像相對爲築一牆使有所蔽焉

杜陵遺像衣冠肅魯國諸生坐起難隔得一垣教兩美草堂安卽講堂安

郡齋雜興

五月至東郡六月蝗蝻萌不辭暘暑觸日作阡陌行又聞萑苻澤贊借刈麥生單騎往察之未動色與聲幸而弭近患乃始興遙情洙泗講堂廢鄒魯古蹟傾慨然念修舉力弱徒怍怍

初來假民居僅足容棲止案牘紛以陳賓僚謁未已雜沓一室中流汗浹踵趾七夕移郡齋清涼差可喜茂林蔭窗牖嘉

弄被庭庀冠蓋忽有午吐握每三起既復苦送迎焉能近文字求安本所戒官亦傳舍耳

沈寶南北衝過者輒一面廣廈芘誠佳乘輿濟難徧雖供童僕飽詎免親朋怨試誦香山詩又嗟風氣變人皆慕進取吾豈失之狷人皆笑寬柔吾敢流於下處劇才非宜投閒性尤便回首望蓬萊魂夢有餘戀

任城六首

任城多勝蹟首舉是南池許篈亦何幸傳因杜拾遺

亂蟬已無聲枯楊不能舞人隨秋共老樹與橋俱古

南池有樹生石

榆鮮中甚奇

十載夢名泉一年忽重到不見同遊人酒壚埋夕照

王子秋同司馬

黃易遊浣筆
泉今黃已沒

題詩滿苔壁誰繼李青遊別有關心處摩挲蘿石篇謂左忠貞詩

薄暮上城樓樓高挹空翠但有老兵迎難尋狂客醉

賀監何曾至傳聞孰訂非太白樓在濟寧東南城樓上相傳

自客任城與孔巢父輩居徂徠山日沈飲號竹可憐夜郎謫

不及鑑湖歸

別沈州作

揮鞭又別少陵臺落日西風首重迴未遂身閒應是命不求

名赫本無才迢迢客夢家千里戀戀民情酒一杯有貧民遮道獻酒者

贏得向人誇宦轍九州已歷二州來

十月十一日登岱紀事

孟冬月稱良初調應鍾律道從岱麓經意恐名山失回遡前
度來壬寅至壬戌塗仗老馬知遊堪舊章率欲覽世界干先
入天門一乍驚開詆蕩漸喜凌嶒萃呂公詩無存高老事已
軼巖瀑遙垂紳松陰密比櫛樹傳秦官號坪駐宋帝蹕飛泉
濺珠玉清響亂竽瑟濟勝身倍輕買勇心肯怵不知尻過背
但苦首近膝環道歷盤紆鐵絙賚挽綽疑煩巨靈鑿慮被一
夫窳表因無字顯功競磨崖述絕頂尤大觀太平協元吉帝
座呼吸通下方憑眺悉舉世紛雞蟲微躬藐蟻蝨立久益蒼
茫氣寒殊凜慄空沾觸石雲難待扶桑日維岱嶽之長日生
仁爲質稽古緬有虞時巡隆望秩元君昉何代民祀更專壹
香幣禱春秋金碧輝宮室鬼神亦任運顯晦誠難詰卓哉望

吳峯至聖誰與匹感茲重脚躄欲去愁摧躄皓魄忽東升長
庚復西出如聞虎氣腥恍聽蟲聲啣夜景駭幽奇歸路忘促
疾我生困風塵未解餐芝朮封禪本乏書學仙又乖術獨有
登臨豪翻覺筋骸逸東方重三大狹歲周流畢性非慕簪組
此幸勝蓬華燒燈聊紀遊酌酒補操筆

月夜觀趵突泉

白遊趵突泉卜晝未卜夜茲來西郊宿甫喜征鞍卸言尋鶴
觀投正值蟾光射紛如冶金躍清奪壺冰瀉乍對叫奇絕澄
觀更深詫頓令萬緣屏安得一椽借趺坐獨臨流天風颯然
下

送鍾判官

鳳騰

出塞

我從去年來，慙下得交子。期我心寫大府，爭誇斷獄才。同官亦附知音雅，一朝遠謫去天西。蕭蕭匹馬迎寒嘶，到日剛逢春信轉。莫愁積雪關山迷，升沉偶爾何足喟。獨怪離顏太憔悴，懸知君別有深情難制思。親幾行淚瀕行勸，保千金軀故鄉漸遠。風景殊尊鱸，猶是意中事。第一歸來慰倚闥。

莫少宗伯

贈萊

寄題瑯琊秋色卷，并以權知兗州寄詩爲

賀率賦二詩志謝

涼風晨起泗河濱，吹墮明珠顥顥新。九點齊煙都入望，一篇秋色妙傳神。詩追白傅無凡格，酒品青州有夙因。天上故交原不少，幾人猶肯念趨塵。

歷盡卿班意益恭，每因軍國奏從容。山川漫詡東方大，

子三
月泛

海八月謁孔林十月登岱
一歲之中盡歷東方三大
雨露欣看

北闕濃我媿論文向鄒魯公真接武到夔龍雲行本是崇朝
徧起合由來始岱宗

喜雪

沈州夏捕蝗青州冬禱雪上以滋麥苗下以消蝻孽我來自
沈月旣涂登萊有雪瑯琊無方臘愆陽乖氣侯官則獲咎民
何辜是時太守滯歷下急禁屠沽走壇社步禱三日周羣神
神呪居然普霑灑初看騰霧化作雨旋見空中瑞花舞碎米
真疑降自天亂瓊直欲多於土捲簾正對城西山爛醉不放
酒盞開豐年已向三白兆官民一旦齊開顏朝來有客款門
賀謂我誠求相附和微天幸敢貪天功古今成事將毋同

和姚大令龍光守歲作

故園久別老煙蘿殘臘青州又再過家慶君能扶杖健鄉心
我爲望雲多爐灰撥盡宵猶永砌雪消殘氣漸和一事可同
稱酒賀近聞楚蜀奏饒歌

子 昶

姪學彭校字

亦有生齋集詩卷第二十

亦有生齋集詩卷第二十一

武進 趙懷玉 億孫

古今體詩

昭陽大淵獻

和姚大令

龍光

元日試筆

驚心迴甲只三年回首觚核已隔天且把陰晴占歲事卻慙

中外黠官聯舉杯屢惜鄉醪遠

今歲南

入饌剛來海物鮮客

以鮮鮑魚西施舌見餉者

輸與寓公團聚樂幾時身得遂歸田

太公廟

磻谿未遇日垂釣若終身忽用陰符秘因為霸國遵遺封崇

帶礪異代配君臣

廟以桓景二公及堯晏二子配

富貴終應早鷹揚有幾人

題吳參軍

文徵

拜石讀畫居圖

京居十載牖文酒忽墮風塵歎無偶濟南名士鮮知交得見
吳生開笑口念念別去動經年重來道故尤相憐大明湖西
巷深曲入屋如泛元章船元章好石兼好畫君同此癖成佳
話雲煙每向四壁讀袍笏先從一卷拜空青之府排參差毫
端邱壑別有師登臨所至盡粉本斗室可納乾坤奇游蹤約
峇殊堪錄闕里升堂看車服層雲岱頂近盪胸初日海東遙
射目嗟予僕僕不暫停三大且喜都曾經那知景早落君手
一一收拾輝丹青畫師石丈長爲伴君是蕭閒我羈絆高談
經濟自有人美游何似歸而貧

雪後訪姚大令

龍光

次韻

樹色冥濛草色荒
入春積雪竟無央
偶因訪客談經暇
翻累呼童掃逕忙
簾外風愁寒料峭
檐前冰聽溜淋浪
歸來已有詩催和
學步慙升公幹堂

去年夏同年蔣大令

知讓

用東坡大雪青州道上有懷東

武園亭韻作詩三首見寄
卒未應今春積雪凝寒寂
居無俚展讀前作輒和一篇寄答

今歲山東久雨雪
入春已半未斷絕
閒曹無事有所思
千里故人音問闕
人去夏投長篇懷
裏藏之字不滅
偶然快讀似搔背
卻勝看山常拄頰
白衣蒼狗幻縱奇
誰能禁得兩鬢絲
從來美游羨惡歸
堂前況有親壽眉
始知作吏此事果
遂廢東方三大慙
徧竟乏驚人詩
不如且醉安神酒
各侍庭闈

謝官守

題膠州送別詩爲岳都尉

廷瑜

膠西三月去思長
高唱驅歌舉別觴
解道兵民原一體
便將細柳作甘棠

水仙

有韻無塵冰雪姿
忽來斗室列參差
分明身與羣仙會
也算春風得意時

生來便愛水雲深
曾向彝齋畫裏尋
蓮是重臺蘭竝蒂
輸他女史結同心

清明日獨遊趵突泉五龍壇

清明易風雨
難得遇晴朗
作客苦思家
出游惜無黨
西郊多

勝地乘興遂孤筇，突古名泉激之曾過。願我來計三度，遞
衰不復長方春。春水生消息，理忽爽。逡巡至潭西，流泉迎戶。
漾亭臺足古意，松竹發清響。野衲喜逢迎，故人徧題榜。偶趁
半日閒，輒萌百年想。胡爲戀浮榮，甘自受羈鞅。

濟南客舍海棠歌

濟南客舍冠蓋填，僦居日費六百錢。我居幸傍海棠樹，更喜
到值花開前。待之數日果漸放，一笑百媚何嫣然。夕陽烘處
互照耀，微雨過後增新鮮。艷質故應金屋貯，色香底事苛求
全。客憂我貧，讓我屋。謂李太守經文意獨戀，此仍流連得閒置。酒日
相對如其名，友逢嬋娟任他桃李炫。粗俗那若富貴兼神仙，
長安崇效付夢想。自我不見今三年，飛英飄盡人亦去。去住

偶結春風綠明歲花時又何處駐爾顏色畱詩篇

高大令

占魁

招同劉舍人

召揚

遊千佛山

半月住歷下塵勞莫或遑南山日當眼游興鬱未償高君頗
解事招客攜壺觴是時釀春陰東風作微涼出郭四五里寒
衣防崇岡諸佛儼導引排列瓔珞裝深洞積冰雪與世殊陰
陽置酒啟北牖遠近歸一望鵲華在几案明湖等劫堂城中
萬人家煙樹如薺長傳聞舜耕地象鳥跡已荒至今祀濬哲
二妃配其旁誰歟鏤法相創自隋開皇太息三代後聖道晦
不彰大都巖壑勝悉化仙釋場感此重裴裒眠色來蒼茫攬
轡眄歸路林有燈火光

上巳日同吳

文徵

鄭

士芳

朱

春林

諸君泛大明湖還登北

極閣憩滙泉寺

重三湖上泛舟行茗椀攜來當酒鎔
映水光山似夢送殘
花事樹無情幽尋忽與塵中隔
散迹時從方外并欲把蘭亭

合蓮社煩它二妙構圖成

吳鄭皆善畫

初夏與張廣文

寶鴈

游城北卽事

一年春事等閒拋且趁清和偶
避嵩籙寺花猶餘芍藥田家
樹半綴櫻桃幾曾憂樂同
前哲畢竟風光屬散曹珍重夕陽
歸去緩驅車明發又塵勞

時將有歷下之役

五日寓齋小飲後游大明湖用北齊房君豹風淪歷城水

月倚華山樹句爲韻同丁明經

履恒

作

排日苦炎暑今晨得涼風
兩年滯歷下獨客孤天中
薄酌聊

遣憂顏其塗林紅

濟南多名泉所至清且淪我愛灤水北往復不厭頻伐檀媿
素食彈缺甘長貧

龍洞與佛峪卒卒苦未歷唯此明瑟境暇或許相覓濠梁在
目前煩襟庶幾滌

青山三面繞望若百雉城牽船入深葦疑在狹巷行最喜水
窮處忽聞來槳聲

借問白雲溪何似西湖水異地豈無勝故鄉信尤美南望阻
奮飛知親念游子

我來自青州勾留已改月束帶日趨塵焉能不華髮容易朋
盍簪一使高興發

吾家有小閣臨流足憑倚每逢競渡時笙歌長沸耳種柳今
十圍人何以堪此

田田青荷葉菡萏色未華新亭亦已古遊者請勿譁貴賤爲
物役今昔同咨嗟

尚書如其姓大節屹泰山我欲繼弔屈招使忠魂還君看祠

前太奇已擅兩間

缺公祠旁有樹一
楸三楸連理而生

夕照銜遠峯新蟾出高樹餘勇賈登陟幽情託章句游蹤風
過林再索不知處

題張秀才

秉鈞

松楸丙舍卷

虎邱山色秦淮水憶昔逢君歲庚子於時聯袂獻長楊命酒
徵歌歡未已一別如雨移暄寒君惜鍛羽吾應官吾傾慈蔭

旋戢影君反陟屺遊長安僕僕頻年念明發名場奔走空皮
竹雲迷丙舍欲歸難鬱鬱那堪賁志沒有弟成名宰花縣我
來東國欣談讌話到令原各慘顏回首前塵驚露電開篋出
示一幅圖馬鬣三尺松千株想見孝思君不置丹青血淚交
模糊君歸山邱抑何早太息畫師同宿草羅聘人琴之感感無
窮展卷颯颯來悲風

送鈕祜祿司馬福昂遷

盛京工部

金張門第世貂蟬綺紵交情又兩年治績已從東國著詩人
合向水曹遷遼陽風月歸吟橐歷下亭臺悵別筵擬浣衣塵
乞歸養相期旌節到江堧

五月十七日張大令秉鏡招汎大明湖歸飲寓齋作

旬日重爲城北遊明湖一鏡望中收荷能卻暑白無影雲解
催詩黑上頭且喜笑談容我放冑將懷抱替人愁多君好事
頻觴容射覆分曹醉未休

嘉慶癸亥四月廿七日青州廨舍不戒於火室中所懸書
畫大半爲鬱攸將去畱者僅一二焉項子京梅花已爲
火所灼猶得無恙拾之燼餘重付潢治并系一絕句云
參元長物原無幾和靖孤山尙可尋要使人堅歲寒約特畱

天籟子京閣名見天心

贈筮生雲棟

江上先生三絕傳百年門弟子孫賢故知君有神仙骨家本

華陽舊洞天

爲張太守

鳳枝

寄題合浦珠還圖後

定情詩句記前因
歷盡艱危剩此身
容易玉門關
竟入明珠十斛已成塵

靈根有久墮人寰
圖書曾傳合浦還
忍使傷心老馮翊
翻將白首哭紅顏

招得魂歸路幾重
容光應許夢相逢
九龍山下題碑處
便是朝雲白鶴峯

讀律

讀律由來勝讀書
錢刀不對彼何如
戴星治羨彈琴逸
結網才嫌把釣疎
泉遠定知流易挹
鏡清那便照無餘
斯人可擊

蒼生望絲竹東山儼自居

題臥牧圖爲孫大令

良炳

古有牧民篇亦有考牧詩可知民與物皆在養得宜誰歟寫
雙犍水草殊華滋游行謝鞭策降飲隨阿池牛旣逐彼性人
亦忘其疲但觀寢訛安便覺夢寐怡叔敖本循吏常切受牧
思微意託丹青朝夕手自披敗羣苟能去臥理原非奇何當
翦尺幅分告百有司

讀子五首

莊子

漆園祖苦縣意則小變之什九皆寓言洗洋無津涯亦知孔
顏重每引供譚資夢與蜚俱化材惟櫟爲宜名軋復智爭紛

紘止何時吾少慕養生往往困坐馳飲河期滿腹巢林志一
枝虛室苟逍遙何心羨天池

關尹子

衣搖空得風氣呵物得水緣心氣遂生離寓道亦毀其說泯
去來直欲一生死佛教已濫觴不待竺乾始是時周德衰旨
以抱關恥厥後南昌尉亦丁漢運否雖無名山業封事炳青
史列仙如合傳梅福配尹喜

六韜

六韜出秦後依託稱太公圯上授子房疑在傳聞中要知孫
吳外此亦兵家雄不學則無術文事統武功維虎威豹變迺
帥如羆熊柰何未讀書介冑輕臨戎王者慎選將利害國與

同賞信而罰必庶幾神明通

繁露

漢武表六經俳優畜馬枚廣川異菑川大儒非小才胡反崇
曲學轉得行其猜驕王使再相病免終蒿萊夫子治春秋說
理天人該既明陰陽位復窮離合亥刑名縱橫家不足當一
哈何日築小園陳書唯玉杯

仲蒙子

度中邊槐里末造感遭遇筮得蒙之觀著書藝世悟設爲問
答辭柝彼興亡故名篇首辨紀終乃列時喻平生幾蘊蓄於
是一傾吐況奮常山舌大節屹然樹無傳載甄文歐陽此微
誤遺編久彌顯神物果呵護

旃蒙赤奮若

禪祭後將至滬城感述

盛夏氣恢台百草競向榮中有一寸草心枯難復萌廬居歲月速燧火忽再更漸覺色笑遠因減哀慕誠杖屨猶在設笙歌已成聲孟獻亦人子跂及愧至情顧瞻大鳥獸踟躕復號鳴鮮民徒視息胡不如無生

憶昔傾慈蔭循禮得自致吾父時在堂未爲尊者避荏苒二

十霜杖竹禍遘至衣冠與飲食乃反莫由遂

曩奉先妣諱期年內白衣冠再

期後始御酒肉今小祥以前衣冠不能純素小祥後因患外症多所禁忌人以衰病勸且肉食矣

豈緣衰病

改亦染習俗累仕宦誠誤人有兒安用貴生違負米養歿之椎牛祭兒罪如邱山空言漫相慰

五十損意氣六十倦筋骨用世謝樗散逢時苦鳩拙錄旣遜
衆長分固宜三黜因人縱受過返已尙堪質林鳥思遠飛山
泉肯輕出趣舍本萬殊誰能使一律庶幾炳燭明勉掾東隅
失憂國自有賢如予比豪髮

薄宦逾二紀長物一以空質庫收不盡併入馮夷宮歸來仰
屋歎生理坐致窮卒歲計衣褐恐作寒號蟲叩門顏發頰遑
問言辭工牧豬已非奴多牛亦稱翁故人疎平津王孫暱臨
邛相彼訛訛色嘅此悠悠風

淮陽水異漲濁浪壞華屋浙西田蠶荒所困兼絲粟吾鄉亦
感沴新鬼日相續於中較重輕彼禍此猶福初愁積霖潦繼
轉時暘燠苟非風蟲災或符箝車祝燕雀恃危巢蜉蝣炫新

服天幸難屢激昂哉尙知足

全家無八口不過妻與子其如心計短飢驅別桑梓海濱地
卑濕去鄉幸猶邇薄言駕舟楫結習仍文史臺同避債築菴
欲逃禪徒還因諸侯客得識彼都士伐檀古有戒畫墁求亦
鄙何當鯨鯢滅一雪蟬蝥恥

癸亥十月李觀察

廷敬

以履勘江浙地界汎海至羊山歸

而作圖爲補長歌紀事

疆殊吳越海混同鴻溝界欲爭鴻濛耳聞何似目驗得聚訟
要待親折中使君文事兼武備吳淞口駕樓艦雄是時液雨
適初霽小春日暖乘長風針盤遙指寅辰向分野直探牛斗
終旌旗高颺蝸像伏笳鼓競響陽侯聾三千聊復耀犀兕八

九何止吞雲夢羊山山北薛港接截然兩界誠難通武臣惜
死互相誘膏腴遂變萑苻叢頻年疑竇一朝決如振枯槁開
瓊蒙迴舟從容日已夕白榆歷歷懸層穹忽驚殘月出晦朔
又訝陰火然虛空須臾飛廉作勢猛地軸驟轉天輪衝聲非
常聲色異色到此乃覺奇無窮歸來恐失眼前景詩成先壓
元虛工更圖溟渤入長卷指點便若遊方蓬我亦登州曾泛
海丹崖飽看翔陽紅盟鷗狎鷺吾所事斬鯨驅鱗公之功波
平曾慶萬里晏早晚奏績

明光宮

李觀察南園雅集圖詩

西園有雅集伯時圖自宋卽今集南園地復以人重南園之

名聞滬瀆使君況是龍眠族政成何必廢嘯歌境好更應慕
卷軸文章事業本兩優一時賓從鄒枚儔琴書安排萃裙屐
水木明瑟嬉鳧鷖是時荷淨方清暑干柄香搖花欲語拂面
徐迎款款風濯枝不灑纖纖雨琮滌最喜方池廣潮去潮來
任消長偶傾醽醁傾流觴欲采夫容還蕩漿擘牋拈韻各有
思使君手更攜佳兒參差坐立十二客無木亦許隨昌黎披
圖悅若親顏色大半平生舊相識那堪天末悵離羣欲向海
濱成獨客要知才大官始閒白香山後蘇眉山使君夙尙景
前哲不朽已在丹青間趨塵自惜頻顛躓遲到未曾逢盛事
但從詩酒想風流那得林亭參位置南園三徑聞漸荒綠陰
如帳清晝長請公往舉第二集貌我樹底同追涼

立秋次毛大

孝光韻

秋氣入襟裏頻驚革帶鬆感時身老大爲客性疎慵風定葉
初墜雲收月乍逢高齋方置酒情荷主人濃

舟夜

披襟貪看月深夜坐船頭水氣不收暑蟲聲已帶秋無才成
楚辨有感起吳謳莫謂鄉關近吾衰亦倦遊

蚊

豹腳由來聚水鄉偶然依草便猖狂亦知易被風吹散已把
先生清睡妨

每緣纖隙逞么麼縱設輕禱奈爾何儘有膏腴供利口自憐
熱血剩無多

黃渡待潮

錫山曾阻風黃渡又待潮離鄉五百里天意多遮邀夏熱未
全洩秋陽乃轉驕已愁蠅集午頂恐蚊啣宵無風復無樹荒
岸涼難招日落潮漸迴輕舟任搖搖

雨後

雨餘涼意逐風生潮退波光似鏡平歌枕卻防明月去不安
應子到三更

雙樹歌爲林處士鎬作

一石閒可坐雙樹閒可撫蕭然此外別無侶林生林生曠世
才奇氣冑爲奇貧推口合長吟詩手合長把杯雙丸跳擲醉
鄉裏達達高歌忘餓死眼着種樹已十圍人何以堪樹如此

松栢有心竹有筠位置豈與凡材隣圖將老幹具深意方寸
中亦同輪囷君不見君家君復西湖住遂使梅花名獨著安
知後我數百年不說孤山說雙樹

雲間女史廖織雲聯吟圖三體詩

巾幘舊知名天生慧業成父真如伏勝景文師本是袁宏枚

翠竹碧梧分列筆牀研匣隨身借問磐山莊燾以外伯仲之間
幾人

詩筆還兼畫筆工雲間紙價洛陽同自從鄭老傳三絕能事
今歸林下風

改山人琦爲汪秀才立經作水雲障子

改生畫石如畫雲河陽之石何足云改生畫雲如畫水十日

之期過王宰忽然乘興作此圖冥濛中有幽人居觀瀾壑岫
兩無競恍若樓閣凌空虛置身合在霄漢表嘯傲滄洲母乃
早爲君數典亦有因水雲本是君家人

七夕集香粟山倉

高齋涼意入庭柯瓜果筵從客裏過賓主會偏今夕稱同座七人
神仙別又一年多已并開口惟澆酒獨有傷心怕聽歌鈎月
漸低歸去緩醉中指點鵲填河

南園

南園經歲別秋到一徘徊野水隨潮漲孤花背客開乍欣殘
暑退剛被夕陽催舊侶都星散去秋吳祭酒錫麒洪編修蕭
亮吉楚僧可韻皆寓此
然獨往來

次韻爲胥大令

編武

題吳

履

所畫楚頌卷

能事吳生今宿草餘情珍重畫圖閒靈均和仲兩追逐陽羨
洞庭曾往還柑橘君猶綠未遂園亭我肯興全刪楚游宦海
身都退只當同窺豹一斑

金秀才

門諱

以尊人孝廉

以堂

六十時自述詩見眎感賦

一首

少歲忝葭李中年附同譜桐溪水發桐始華高館連牀曾聽

雨豈知一別二十年邂逅逢君在黃浦

去歲晤君上海

相看鬢髮各

蒼然離合升沉忍重數今年知君倦出遊我復海上來扁舟
相逢令子各道故商飈颯颯生梧楸袖中示我詩一帙六十
生朝君自述香山偏解老嫗頤字字都從性情出長言未足

繼短章同時和者紛琳瑯謝家詠絮更超絕豈獨洗手為羹

湯君子婦徐觀察長發女孫亦有和詩附後人生莫如快意耳羨君無官卻有子

詩書澤已付後賢泉石樂還娛暮齒我生事事盡潦倒筋骨

空疲不知老久宦深知昨夢非長貧難把塵緣掃何當卜宅

結比隣過從二老休辭頻聞來且盡一尊酒秋月春花同白

首

何徵君其小山居圖亡友方處士蘇筆也

蕪城一分手忽忽廿三載癸卯冬晤徵君於揚州君今七十六鬢髮青

未改鳩來海上同為客風雨過從數晨夕篋中攜得山居圖

作圖者誰方方壺方壺三絕吾故人墓草已宿松成鱗君今

雖老氣猶壯徵書迺復辭蒲輪卻笑風塵遊亦倦卜居思向

杭州便冷吟閒醉其此生君自依山我湖畔

同年瞿舍人

乘度

招集鷗波池館

不惜衝泥度水隈乍涼時節好銜杯故人已比曉星散

謂穀人稚

存獨客恪逢今雨來閒藝芝蘭培子弟暗收江海入池臺

通池

沙衣塵澆盡輪君早舊夢春明首重回

紀夢

乍返河干權旋開燈下書

夢境如此

不知三歲訣疑奉二親居

太似

宜人猶在堂

事為風塵誤生原憂患餘空階秋雨滴比淚復何如

已分晨昏絕今宵始慙依能紓鮮民痛敢惜祝宗所養祭都

無狀音容未盡非何當長久夢伏枕便牽衣

中秋

其卜中秋雨

前一夕風雨達旦

誰知月倍明天應憐獨影人骨倦三更節鉞經時駐笙歌何處聲似聞滄海上防盜未休兵

陳夏二公祠落成詩

勝國當末造雲間萃忠義陳夏實首出沉淵同一致考功子

克家十七身遂志黃門有高足誼有存亡異遺烈到今稱明

禮久猶寄

聖朝重褒忠煌煌昭卹諡司寇鄉耆德

王侍郎

慨然倡初議太

守

陳同年

任其難經營更勞動爭看棟宇煥悅若神靈茲復

搜名山藏揭之俾傳世鄰從有德結舉以衆擎易我讀太守

詩因之發長喟維桑祀典乘欲更非一事界等虞芮侵禮如

弁髦乘

吾鄉舊有忠義祠祀宋以下死事者今建昭忠祠有司不別擇地建祠之半為之又明季石土鳳歐敬

竹肯以布衣殉國難乃竟
有以其無位思撤其主者
慚無迴瀾力徒灑望古淚始知地
雖靈亦賴有人繼

寄徐秀才

葵君游玉侍郎親
之門善飲能說經

六籍義無盡知者善探索世人爭鏗鏗非不高所託清談失
之空墨守病於鑿陶然城北公通經兼述作好學而深思如
酒細斟酌當其得醅醪便可棄糟粕斯名謂醉心豈徒供注
腳我昨過青浦扁舟橫朱閣識君通德門痛飲氣盤礴自慚
戶本小力不勝杯杓且歸三絕編與君再酬酢

讀周太守

錫聽雲山館詩賦贈時太守權備兵上海

懷麓堂開後遙遙接此編才兼六朝有政早百城傳曾送衡
文節重張話舊筵秋風東海上琴鶴自翛然

燕寢焚香後餘情翰墨中起衰追吏部論品入司空世德吾
慚祖先恭毅嘗撫偏沅先祖亦知道州守襄陽新詩人愛公兩家殊宦轍心跡故
相同

贈一百一歲老人鄭盈山

託迹僧廬傍小橋每看卻杖步逍遙神仙底事求三島畊鑿
曾經歷

四朝間裏但知貧可樂福來也要壽能消自慚六十同蒲柳
輸與蒼松獨後凋

將去上海瞿秀才應紹以詩贈行占此志別

無端折柳曲中聞草草萍蹤惜又分半歲依人吾詠史時爲李觀
察剛訂一門好客子能文豫園酒記邀明月申浦帆愁挂夕
宋史

曠他日若來過北道擬將雞黍答殷勤

讀陸七孝廉繼軒詩題贈

水邨山郭路三千換得歸帆集一編同向窮塗放聲哭不如

君處是君年

解讀離騷便不祥吾奇矣新詩讀罷斷人腸茅容自有閒雞

黍多事斑駁送陸郎

城西看鞠歌

吾鄉好鞠風頗盛每到秋來各爭勝灌畦不惜百日勞購種
宜辭數金贈我別家園十四載三徑雖存松鞠改籬下曾無
酒送人城西聞有花如海攜朋踏徧城之西品類不一紛標
題巧羅餅益疊屏幃分配顏色排高低家家主人都好客客

至烹泉拂瑤席別有元亭怕再過秋容寂寞人非背上洋花
事衆所傳自慚雅與花無緣積雨旣摧桃灼灼颺風旋敗荷
田田法華縱及鼠姑放過時只帶三分妍歸來飽看金英吐
始信不如爲老圃平生萬事總乖違好乞香醕晚節補

渡江先寄同年伊太守

秉緩

海國初還櫂江天又放舟看山雙眼倦行地一身浮直爲飢
來逼翻疑性好游故人風義重近喜領揚州

夜雨有感

高館聽殘夜雨聲無端浪跡滯蕪城百年爲客輕千里萬事
關心逼五更未謝豬肝終是累但安馬鬣復何營

時爲先君營葬

妾不耐初寒劇坐待西窗曙色明

訪沈三太守現於梅花講院以詩見贈尼子出山次韻二

首

浮蹤偶喜聚江城往事回頭夢屢更商到行藏三去聲思熟辭
將擔荷一身輕澤中鴻鴈方求食海上鯨鯢未厭兵只恐尙
煩君借箸舊時冠豸有聲名

作客經年住滬城又來講院話深更梅開嶺上衝寒慣葉墮
階前帶雨輕僧本好閒甘退院將因失利倦談兵一杯且博
生前酒笑謝茫茫身後名

史閣部祠堂

清史臣心白

襄綸廟食榮局收文信國恩報左桐城貞石書長勒殘縑貌

若生西風急庭樹猶帶戰場聲

史閣部墓

埋骨鍾山志未酬衣冠竟得護松楸頓成暮氣太難挽獨勸
長星帝不愁別黨再成歸馬阮指揮欲定誤高劉何須碧待
三年化封墓終邀

曠典優

題三墳記舊拓本

上蔡遺碑迹已荒少溫書是篆津梁莫愁溟海終為陸

記中語

小印猶存獨漉堂

贈老友俞五

大謨

束髮相隨鬢忽皤驚心四十七年過

始識君於已卯

苦營世味勞生

誤妙契天心靜者多君遂於易繞鄰兒孫都挺拔閉門風月自婆娑輕肥同學銷沉盡輸與名山久不磨

梁溪送同年楊方伯揆葬

悠悠丹旆駐河千萬里喪歸歲正寒玉壘風雲幾籌筆錫山雨雪此憑棺勲名外有文章著富貴中偏壽考難慚媿白頭同譜在素車追送淚沈瀾

題清芬精舍

月到經窗珍重看空明積水樹生寒傲他坡老承天寺曾見仙人吳彩鸞

挽沈廣文元翰

京國論交後江鄉續古歡才真過屈宋門共出蘇韓予與君同出南

昌彭文
勤之門
零雨分征袂
奔星慰素冠
望衡申繾綣
入室許磐桓
每展琉璃匣
君愛蓄研
時陳苜蓿棹
談文誇宿將
好客諱貧官
插架書千軸
依牆竹數竿
閒情吾鄙洽
公論士林安
我困飢頻
出君衰病屢
干甃歸猶握手
小別乃憑棺
景偃元英慘
風添廣漠寒
舊遊成露電
繼起有芝蘭
送者衣爭縞
行乎旒拂丹
酒壚愁再過
從此替人難

三女叔姪將歸蕪湖詩以示之

太陰在柔兆
送汝辭京師
朔雪壓黃塵
五更上車馳
九載一歸寧
滄熱又再移
有壻爲冷官
苜蓿聊充飢
有子已十齡
攜之以自隨
去甫抱襁褓
今能讀書詩
方欣久團聚
胡忽言別離
欲畱不可得
尊章賴扶持
片帆趁朔風
雙漿分流漸
感茲

窮冬別同昔衝寒時女去亦云樂所苦貧難醫萬事豈能足
庶幾儉補之吾衰倦仕宦遊興差不疲行當登采石省汝於
湖湄

偈仄行

偈仄復偈仄車箱初入谷豈無芻狗俄化龍老驥泥塗空側
目偈仄復偈仄陶潛乃乞食南塘作賊被何人家有珊瑚高
七尺君不見竊鈎者誅竊國侯修士寂寞甘山邱茫茫者是
名千秋

君勿疑行

竄逢惡賓莫逢故人惡賓不知我故人知我仍非真投珠反
遭按劍辱鵠可涅兮烏可浴悠悠之口何足憑不是蛾眉不

謠詠區區飲啄各有司稻梁豈礙鷗鴻飛爲謝故人君勿疑

歲晏行

歲云晏矣急景徂有客有客羈江湖荒村沽酒聊獨酌側聞
近事生長吁南河冬穿蟻穴潰東海天教鯨浪沸事魔况復
繁有徒比戶何由殲厥類

至尊宵旰方求瘼大吏封疆慎無諱行藏兩拙迴扁舟杞國
野人徒隱憂衾寒夜長眠易醒坐聽雞聲出篷頂

辨經堂夜集示朱茂才

子鄂

上舍

光綸

偶然訪舊慳平生款洽深慚地主情萬卷家風看後起

上舍子大

源

百年心事有前盟

張孝廉興鏞
姚上舍椿

酒邊短燭愁頻跋門外寒

潮報漸平分手河干風雪緊故應別夢繞茸城

舟中對雪

快雪昨已霽瑞霏今復積霏霏乍侵曉紛紛竟連夕重憊歷
逢背細怕綠窗隙囊笠入畫鳳鳥驚戲陂澤光明忽開藏空
洞了無隔此時舟中人歲晚尙行役塵勞甘定分浮泛卽安
宅濁酒時一中豐年喜三白頓令肺病蘇更寬眼界窄羊羔
錦帳飲鶴驚茅亭客彼各樂其常吾亦矜所獲

子 服

姪學彭 校字

亦有生齋集詩卷第二十一

亦有生齋集詩卷二十一

二十